

Panangirik ken panangdalus iti irik

[Panaggapas]

Dagus nga agirik tapno saan a maruros dagiti binukel ken saan a bumaba ti apit. Dalusan a dagus ti nairik a pagay tapno nabayag a maidulin ken napintas ti kalidad ti mapabayo nga irik.

Panangusar iti treser

Ti dakkal nga *axial flow* treser ket mausar a pagirik para iti pangkomersial ken pangbin-i nga apit idinto a ti bassit a treser kas iti *vogel* ket pagirik para iti apit kadagiti eksperimento.

- Dagiti laeng nasanay nga operator ti mabalina a mangusar iti treser. Masapul nga agaruat iti umiso a ramit tapno masaluadan iti pannakadanganan ti operator.
- Dalusan a naimbag ti treser nangruna no usaren a pagirik iti para bin-i tapno maliklikan ti laok.



Panangirik iti pagay

Panangusar ken panangsaluad iti treser

1. Iyasidag ti treser iti pempen ti nagapas a pagay tapno maliklikan a maregreg dagiti binukel bayat ti panagbagkat ken panagisubog iti treser. Iyurnos dagiti nagapas iti *feed tray* a ti dawa ti maisubog nga umuna iti treser.
2. Tapno nasayaat ti pannakadalus ti irik, ipan ti treser nga adda blowerna iti napatag a lugar. Iplatar ti treser a ti pagturungan ti ipugsona a garami ket kasurot ti direksion ti angin tapno saan a marugitan ti nairik.
3. Liklikan ti agirik iti nabasa a pagay. Dumket ti nabasa nga irik, garami ken dadduma pay a rugit iti pagyukuyokan ken kadagiti sabali pay a paset iti treser a mangparigat ti panangdalus iti irik. No saan a maliklikan ti agirik iti nabasa a pagay, in-inuten ti panagisubog iti treser.
4. Kitaen no adda marunot kadagiti ngipen ti dram a pamaspasan. Puligosen ti narunot a ngipen wenno isukat kadagiti adda iti maudi a kagudua a paset ti dram. Sukatan dagiti ngipen a nakaro ti pannakarunotna.
5. Iplatar ti kalub ti *blower (shutter)* tapno apagisu ti kapiagsa ti angin a mangitayab kadagiti rugit ken eppes. Iruga a nakaserra ti kalub ti blower sa in-inuten a luktan. Umiso ti platar ti kalub iti *blower* no nadalusen ti rumuar nga irik manipud iti *winboard*.

Source: Field Operations Manual. 2007. Philippine Rice Research Institute.

Translated by:

Bethzaida M. Catudan

Reynold M. Caoili

Julie Pinpin

Eufemio Barayuga